

## **17.25 CUNTRASTS DISCURS SIN SRF 1**

### **«Nus duvrain fermas forzas politicas en il center» – In discurs cun Gianna Luzio**



Dapi il 1. d'october 2018 è Gianna Luzio la nova secretaria generala da la Partida cristiandemocratica svizra (PCD). En ses emprims mais ha ella gia stuì lantschar la campagna per las elecziuns federalas l'october 2019 ed organisar l'elecziun d'ina successiun per la cussegliera federala Doris Leuthard. Cun la nova repartiziun dals departaments ha la PCD perdi influenza a Berna ed er las prognosas per las elecziuns federalas annunzian perditas per la partida. En il discurs cun Rico Valär raquinta Gianna Luzio da las sfidas e surpraisas da sia lavur, da ses engaschament per il festival Origen ed il Parc Ela ed er davart ses motivs persunals per bandunar il Grischun.